

4^o P. lat. rec. 283

Biblioth. acad. Ingo. Stad.
4^o P. lat. rec. 283
EMINENTISSIMUS, ac REVERENDISSIMUS
DOMINUS DOMINUS
ANGELUS MARIA
Ordinis S. P. Benedicti, Congregationis
Cassinensis, DEI, & Apostolicæ Sedis Gratiâ
S. R. E. Tituli S. Praxedis in Urbe Presbyter
CARDINALIS,
NEC NON
TITULI ECCLESIAE S. MARCI
COMMENDATARIUS,
EX ANTIQUISSIMA, ILLUSTRISSIMA, ET
SENATORIA VENETORUM FAMILIA
DE QUIRINIS,
SACRAE ROMANÆ ECCLESIAE
BIBLIOTHECARIUS,
AC
EPISCOPUS BRIXIENSIS
AB
ABRAHAMO TEGERNSEENSI,
Et ejusdem Monasterii Musis humillimum in
obsequium festivè exceptus
Die XXV. Septembris, Annô M. DCC. XLVIII.



RECITAT.

TEGURIUM. Et unde mihi hoc, quòd ANGELUS ad me?

O Lumen cælicum!

Salvere te millies jubet Tegurium.

Salve! Salve ANGELE EMINENTISSIME!

ARIA.

O Diem optatam,

Et lucem beatam

Qua Tuâ dignaris Præsentia me!

An Cœlum tam plenô

Aurôque ferenô

Refulget, dum Cynthus erigit se?

Felicem me! pari qui sorte fruor cum Patre cre-

dentium,

Hospitem adorare dum mihi licet ANGELUM.

Domine! si inveni gratiam coram oculis tuis,

Ne servum tuum transeas;

Sed conforta cor tuum, & requiem capias. (a)

At quid? an plures adstant Angeli

Nostri in obsequium ANGELI?

Fallor! Vestitus loquitur alios

In via Comites fidelissimos

Romam, Cassinum, Parisios.

* 2

RO-

(a) Genes. 18. v. 3. & 5.



ROMA. Benè vidisti.

CASSINUM. Rem acu tetigisti.

TEGURIUM. Quantum capio , quantum sapio :

Roma Dignitatum Culmina ,
Lutetia clarissima Doctrinæ Lumina ,
Cassinum enuntiat altissima

In ANGELO nostro virtutum Cacumina.

CASSINUM. Et ista quidem Venetus hic ANGELUS
Serenissimæ Stirpis de QUIRINIS (b) Surculus

Tum maximè ascendit ,
Cum è sublimi Throno humiles ad Monachos
descendit.

Ibi posuit (c) CORNUA ;
Hinc exaltatus est in gloria ,
Nunquam illustrior ,
Nisi ubi indutô Cucullô obscurior.

ARIA.

Cernis Axes radiare ,
Et fat clarè coruscare
Facibûs sydereis ;
Nunquam tamen solet bella
Clarior nitere stella ,
Quàm dum est in tenebris.

TEGURIUM. Vah ! quantus Virtutum splendor !

ARIO-

(b) Die 20. Martii 1630. ex Antiquissima, ac Senatoria Familia de Quirinis, quæ vel ipsum Imperatorem Romanum, Sergium Sulpitium Galbam suos inter Progenitores numerat, Venetiis nascitur.

(c) Tæniæ Ducum Venetorum, quos inter ex Illustrissima Prosa pia de Quirinis oriundi Mauritius Galbani, & Joannes Galbani circa finem sæculi octavi referuntur, *Cornua* dici solent.

ARIOSE.

Lucet Clementia ,
Fulget Justitia :
Micat Religio ,
Nitet Demissio.

CASSINUM. *Cætu meo in sacerrimo (d)*
Nihil vidisses modestius ,
Nihil demissius
Nostrô ANGELO.

Obiit Ille in Monasterio Ministeria
Abjecta non minùs , quàm ardua ,

TEGURIUM. Verè Angelus ,
Quia omnibus factus est (e) *administratorius Spiritus.*
PARISII. ANGELUM tuum optimè appellas Spiritum ,
Utpote tanta eruditione ,
Ac clarissima artium omnium cognitione
Præ mille aliis ornatum , præditum.

ARIA.

Ut Soror pulcherrima Solis
Argenteâ Luce in Polis
Præminet astris ut princeps & dux ;
Sic certè terrarum per gyrum
Doctissimùm millia Virùm
Exsuperat tuæ Scientiæ Lux.

TEGURIUM. Nonne benè dicimus nos ,
Quia alter Salomon es tu ?
Venit, (f) *venit in Te Spiritus Sapientia ,*
Et quem (g) in Aquis ex ipsa hausisti origine ,

* 3
(d) Verba formalia ex Roma Sancta in vita Eminent. DD. Cardinalis de Quirinis fol. 214.

(e) Heb. 1. v. 14.

(f) Sap. 7. v. 7.

(g) Venetiis scilicet in Aquis, quæ Sapientiam denotant.

Geminavit eundem Minerva, cum excellentia
In Te propitia.

CASSINUM. Sunt nimirum *(b)* Lilia
In floribus terra eminentia.

ROMA. O! non terrenum, sed cœlesti Semine natum
Angelicum hoc LILIUM,

TEGURIUM. *(i)* Eo fragrantius,
Quò diuturnius,

PARISI. Stupendum Scientiæ Prodigium,

CASSINUM. Clarissimum Ingeniorum Miraculum,

TEGURIUM. Cujus doctrinâ fulget Ecclesia,
Ut Sole Luna.

ROMA. Vidi & ego Meridiem hunc Eruditionis plenissimum;

Et ideo Vaticanæ meum Bibliothecæ præfeci
ANGELUM

Cherubim & illuminantem, & illuminatissimum.

Ideo *(k)* primos inter Pastores ovium Eum posui.

Quid? quòd pro maximis totam in Ecclesiam
meritis

Supremis Purpuratorum Coelis inferui.

ARIA.

(b) S. Bernardus Serm. 70. in Cant. NB. In Scuto Gentilitio Eminentissimus Cardinalis præferebat Lilia.

(i) Est quædam Lili species, Latine Iris, quæ, quo diutius aservatur, indies suaviorem fragrantiam diffundit.

(k) Eligitur non tantum Abbas in Cœnobio Florentino; sed postquam Archi-Episcopus Corcyrensis renunciatus est, Eminent. D. D. Cardinalis noster Annò 1726. die 9. Decembris in Consistorio privato creatur; Anno verò 1727. die 26. Novemb. Cardinalis publicatur: eodémque ferè tempore Episcopus Brixienfis in Venetorum Territorio denominatur.

ARIA.

Quam non pingunt,
Ostrò tingunt,

Sors, natura, gratia,

Speciosa,

Pretiosa

Illa illa Purpura:

Illa vera

Et sincera,

Quam dant sola merita.

CASSINUM. Quanto honore, quanta gloria

Meum coronasti ANGELUM Mundi Domina!

ROMA. Non ego, nec amor, quo *(l)* Rosæ ardent in
Lilia,

Sed sua coronarunt Eum merita.

TEGURIUM. Exulta, gaude,

Ac de tanta Filii tui gloria, Cassinum! plaude.

DUETTO.

ROMA. En tuus Angelus

Est *rubeus*.

TEGURIUM. En tuus Filius

Est *candidus*.

TEGURIUM. Candescunt *lilia*.

Quid gratius?

ROMA. Et rubet *purpura*,

Quid pulchrius?

TEGURIUM. Magni Consilii Angele,

ANGELE Maria! qui Domum meam beasti ut
domum Abrahæ.

Quas
(l) Allusio ad SS. mæ Memoriam Papam Benedictum XIII. qui eminentissimum D. D. Cardinalem nostrum creavit: & in cujus Ignibus Rosam, quæ teste Plinio de Lil. Lilium amant, videre est.

Quas dignas referam grates gratiosissima
Tua pro Præsentia?
Eja montes Tegurini! tanta pro Gratia,
Quæ æterna erit in memoria,
ANGELO nostro vota humillima exsolve.
Et ore unanimi applaudite!

CHORUS.

Vive diu, vive lætus,
Et Quiritum inter Coetus
Sera vive sæcula!
Triplex dum Corona fanos,
Superi quos dent, post annos
Sacra cinget tempora.

Ut in omnibus glorificetur
DEUS.

S. Regul. Cap. 57.

